

Ekskluzive

Ekskluzive | Dyshohet se ngacmoi seksualisht 17-vjeçaren dhe hoqi DVR-në për të zhdukur provat – bastiset pronari i “BK Models”, i gjenden armë e 224 fishekë



Sinjali.com

16 Gusht 2026 17:22



Hetimet për një rast të ngacmimit seksual ndaj një të miture 17-vjeçare në Prishtinë kanë marrë një kthesë tjetër, pasi personi i dyshuar tashmë po hetohet edhe për manipulim me prova dhe armëmbajtje pa autorizim, mëson Sinjali.

Burimet e Sinjalit bëjnë të ditur se i dyshuari është **Blodin Karaxha 36-vjeçar**, pronar i lokalit “Salla B – BK Models SHPK”, në Dardani.

Rasti fillestar ishte iniciuar më 4 gusht, nën dyshimin se Karaxha kishte ngacmuar seksualisht një vajzë 17-vjeçare, duke e prekur fizikisht në pjesë intime të trupit.

Por gjatë veprimeve hetimore lidhur me këtë rast, hetuesit kanë ngritur dyshime se provat që mund të dokumentonin atë që kishte ndodhur në lokal ishin cenuar.

Sipas informacioneve që ka mësuar Sinjali, Karaxha dyshohet se më 4 gusht, rreth orës 16:50, e kishte hequr pajisjen DVR nga lokali, me qëllim zhdukjen e pamjeve të kamerave të sigurisë që lidheshin me rastin e ngacmimit seksual.

Më 15 gusht, rreth orës 10:15, i dyshuari është ndaluar sërish, ndërsa në koordinim me Prokurorin kujdestar janë zhvilluar bastisje në dy lokacione – në shtëpinë e tij dhe në lokalin ku dyshohet se kishte ndodhur rasti.

Gjatë kontrolleve, Policia ka gjetur dhe sekuestruar dy pistoleta. Sipas të dhënave të rastit, për njërën prej tyre leja kishte skaduar në janar të vitit 2025, ndërsa arma tjetër ishte pa leje.

Po ashtu janë gjetur 224 fishekë të kalibrit 7.65 mm, gjashtë fishekë me gaz dhe një palë pranga me çelës.

Pas këtyre zhvillimeve, me udhëzim të Prokurorit kujdestar ndaj Karaxhës janë iniciuar edhe rastet për veprat penale “Manipulimi me prova” dhe “Mbajtja në pronësi, kontroll ose posedim të paautorizuar të armëve”.

Me vendim të Prokurorit të Shtetit, 36-vjeçari është ndaluar për 48 orë.

Hetimet lidhur me të gjitha dyshimet ndaj tij po vazhdojnë.

Shënim: Personat e apostrofuar në këtë artikull prezumohen të pafajshëm derisa fajësia e tyre të mos provohet me vendim të formës së prerë nga gjykata.

Sinjali – aty ku e vërteta flet para lajmit!

/GazetaSinjali/

Sinjali

Gazeta Sinjali mirëmbahet nga kompania "Sinjali" sh.p.k. Materialet dhe informacionet e Gazetës Sinjali nuk mund të kopjohen, të shtypen, ose të përdoren në çfarëdo forme tjetër, pa leje nga redaksia.



Lajme

Zgjedhjet 2026
Kosovë
Shqipëri
Rajon
Diasporë
Evropë
Botë

Aktualitet

Politikë
Drejtësi
Siguri
Shëndetësi
Arsim
Sociale

Hulumtime

Ekskluzive
Profile
Skandaloze

Ekonomi

Prodhime Vendore
Financa
Biznes

Sport

Botërori 2026
Futboll
Basketboll
Sporte Luftarake
Sporte të tjera

Showbiz

Bota e Yjeve
Modë & Stil
Bukuri dhe kujdes
Të tjera

OP-ED

Analizë
Kolumne
Intervistë

Jetë

Fitness
Ushqime
Travel
Këshilla
Receta
Dieta
Shëndeti

Kulturë

Film
Muzikë
TV & Radio
Libra
Art & Dizajn
Fotografi
Histori

Tech & Auto

Teknologji
Automjete
Telefona
Internet
Lojëra
Aplikacione

Fun

Qesharake
Kuriozitete
Kuize
Fakte
Të tjera